

Centrotours

**Utakmica otvaranja Svjetskog prvenstva u nogometu!
Utakmica koju cijeli svijet gleda na TV-u, a vi direktno na stadionu!**


KANADA – BOSNA I HERCEGOVINA

TORONTO, 12.06.2026.

PROGRAM PUTOVANJA

1. DAN, 10.06.2026, (SRIJEDA), SARAJEVO – ISTANBUL – TORONTO

Sastanak putnika na Sarajevskom aerodromu kod Centrotours šaltera u 07:00h. **Zajedničko fotografisanje.** Prijava na let TK1022 za Istanbul u 09:05h. Po slijetanju u Istanbul u 12:05h slijedi presjedanje na let TK17 za Toronto u 16:30h i dolazak u Toronto u 20:05h. Nakon pasoške i carinske kontrole, slijedi transfer do hotela. Smještaj u hotel i slobodno vrijeme. Opcionalno večera u nekom od restorana u centru grada (The Loose Moose Tap & Grill, Amano Italian Kitchen, Canoe...). Noćenje.



2. DAN, 11.06. (ČETVRTAK), TORONTO

Nakon doručka u 10:00h slijedi fakultativno cjelodnevno razgledanje grada u pratnji našeg vodiča tokom kojeg ćemo vidjeti glavni gradski trg Nathan Phillips sa poznatim „Toronto“ natpisom i gradskom vijećnicom. Ovo je idealno mjesto za prve fotografije i kratko upoznavanje s gradom. Razgledanje nastavljamo odlaskom do CF Toronto Eaton Centre, velikog shopping centra u kojem ćemo popiti kafu, odmoriti se i počastiti nekom kupovinom. Iz Eaton Centra nastavljamo šetati do CN Tower zone gdje se nalazi najpoznatiji simbol Toronta – visoka telekomunikaciona i turistička kula i vidikovac CN Tower sa panoramskim pogledom na cijeli grad i jezero Ontario, Ripley's Aquarium sa podvodnim tunelom i morskim životinjama i veliki zatvoreni stadion Rogers Centre poznat po svom pokretnom krovu. Ovdje svoje bejzbol utakmice igra Toronto Blue Jays, a često se koristi i za velike koncerte i događaje. Slijedi odlazak pješice do najpoznatije gradske tržnice sa lokalnom hranom i suvenirima – St. Lawrence Market. Nakon pauze na tržnici nastavljamo šetnju do jezera Ontario, šetališta, parkova i kafića uz vodu - Harbourfront. Slobodno vrijeme za opuštanje, fotografisanje i šetnju uz jezero. U popodnevnom satima slijedi odlazak do historijskog i industrijskog kvarta Distillery District s ciglenim zgradama, vintage ulicama, kalendarima, galerijama,

restoranima, kafićima i buticima. Divno mjesto. Slobodno vrijeme za večeru. Povratak u hotel tramvajem broj 504. Naveče slobodno vrijeme u hotelu ili u obližnjoj ulici King Street West gdje se nalazi najbolji barovi, restorani i klubovi. Noćenje.

3. DAN, 12.06. (PETAK), TORONTO (UTAKMICA KANADA – BOSNA I HERCEGOVINA)

Doručak. Danas je naš historijski dan. **Danas igramo utakmicu na Svjetskom prvenstvu!** Danas nas gleda cijeli svijet! U 09:00h gradskim prijevozom krećemo prema stadionu. U okruženju stadiona biće velika fan zona sa live prijenosima, hranom, muzikom i zabavom za navijače. Liberty Village je glavno mjesto okupljanja navijača prije utakmice. Stadion BMO Field kapaciteta 45.736 sjedišta otvara se u 11:00h, a ceremonija otvaranja Prvenstva počinje u 13:00h. Utakmica Kanada – Bosna i Hercegovine u 15:00h. Nakon utakmice u dogovoreno vrijeme povratak u hotel. Slobodno vrijeme. Noćenje.

4. DAN, 13.06. (SUBOTA), TORONTO – NIAGARA FALLS (IZLET) – TORONTO

Doručak. Nakon doručka, u 08:00h slijedi cjelodnevni opcionalni izlet na Nijagarine vodopade u pratnji našeg vodiča na bosanskom jeziku.

Nijagarini vodopadi su zapravo tri vodopada koji se nalaze na rijeci Niagara, tačno na granici između Kanade i Sjedinjenih Američkih Država. Ogromna količina vode iz Jezera Erie teče prema jezeru Ontario i naglo sa visine od oko 50m pada preko stijena, stvarajući snažan i bučan slap.

09:45h – dolazak autobusom i slobodno vrijeme za razgledanje i slikanje sa vidikovca Table Rock koji se nalazi odmah uz vodopad.

10:10h – obilazak prostora iza vodopada. Ovdje se grupa spušta liftom duboko u stijenu, oko 40-50m ispod nivoa zemlje, gdje počinje sistem tunela koji vodi iza samog Horseshoe vodopada. Prvo prolazimo kroz dugi, hladniji tunel u stijeni, gdje se već čuje snažna buka vode koja postaje sve jača kako se približavate. Zidovi su vlažni, a osjećaj je kao da ste ušli u unutrašnjost planine ispod ogromne sile vode. Na kraju tunela dolazi se do otvora iza vodopada. Tu se vide uski prerezi kroz koje voda pada ispred vas u ogromnim količinama. Zvuk je vrlo jak i konstantan, kao duboka grmljavina koja ne prestaje.

11:30h - nakon posjete tunelima iza vodopada, slijedi krstarenje na Nijagari, gdje se doživljaj vodopada vidi iz potpuno druge perspektive, direktno sa vode. Spuštamo se prema pristaništu gdje se ukrcavamo u veliki brod. Na ulazu se dijele zaštitne kabanice jer ćemo biti izloženi vodi i prskanju tokom vožnje. Brod prvo prolazi pored američkih vodopada, gdje se vidi ogromna snaga vode koja pada u rijeku ispod. Atmosfera je mirnija u ovom dijelu pa je to i prilika za prve fotografije.

Kako se približavamo glavnom dijelu, dolazimo do Horseshoe Falls – najvećeg i najimpresivnijeg vodopada. Ovdje se osjećaj potpuno mijenja: buka postaje vrlo jaka, voda se pretvara u gustu maglu, a vjetar i prskanje vode prekrivaju brod. U tom trenutku vidi se samo bijela zavjesa vode koja pada ispred vas, a dojam je kao da ste ušli u sred same prirodne sile. Ljudi obično stoje na otvorenim dijelovima broda kako bi doživjeli što jači osjećaj i napravili fotografije u magli. Povratak prema polaznoj stanici. Slobodno vrijeme za ručak.



12:45-13:30h – Ručak.

Nakon ručka bude li vremena otići ćemo do kanjona rijeke Nijagara. Spustićemo se liftom do rijeke i šetati drvenom stazom uz ekstremne brzake. Voda ovdje prolazi velikom brzinom kroz uski kanjon i stvara snažnu buku i spektakularan prizor.

Današnji program završavamo kraćom foto pauzom kod cvijetnog sata – Floral Clock napravljenog od desetina hiljada sezonskih biljaka koje se mijenjaju tokom godine, pa izgled nikada nije isti.

16:00h - Povratak prema Torontu uz kraću pauzu na aerodromu za putnike koji nastavljaju putovanje za Las Vegas. Slobodno vrijeme. Noćenje.

5. I 6. DAN, 14. I 15.06. (NEDJELJA I PONEĐJELJAK), TORONTO – ISTANBUL – SARAJEVO

Doručak. Odjava iz hotela do 11:00h. Slobodan dan za individualne aktivnosti do polaska na aerodrom u 18:30h. Let TK18 za Istanbul u 21:50h sa dolaskom u ponedjeljak, narednog dana u 14:40h. Slijedi presjedanje za Sarajevo u 18:55h i dolazak u Sarajevo u 19:50h. Kraj putovanja.

CIJENA: 4.995,00 KM/osoba u dvokrevetnoj sobi

CIJENA OBUHVATA:

- Povratnu avio kartu Turkish Airlines u ekonomskoj klasi na relaciji Sarajevo – Istanbul – Toronto i Toronto – Istanbul – Sarajevo sa čekiranom prtljagom (2 torbe do 23kg) i svim apt taksama,
- Smještaj u hotelu **InterContinental Toronto Centre** ili sličnom hotelu u dvokrevetnoj sobi na bazi 4 noćenja s doručkom,
- Voz/bus transfer na relaciji aerodrom-hotel-aerodrom prema programu,
- Usluge predstavnika agencije tokom odlaska i boravka u Kanadi
- Kompletnu organizaciju putovanja

CIJENA NE OBUHVATA:

- Vizu za Kanadu (285,00 KM),
 - Ulaznicu za utakmicu Kanada – BiH (CAT2 – 1.640 USD),
 - Fakultativne izlete (Nijagarini vodopadi u pratnji vodiča na bosanskom jeziku i sa ulaznicama za Journey Behind the Falls, Cruise i White Water Walk – 180,00 EUR/350,00 KM; Razgledanje Toronta u pratnji vodiča na bosanskom jeziku 50,00 EUR/95,00 KM)
- Karte za gradski prijevoz – 3,30\$/ vožnja, ulaznice u objekte od interesa, hrana i piće nisu uključeni u cijenu i plaćaju se na licu mjesta; satnice za izlete su navedene okvirno i mogu biti promijenjene; izleti se plaćaju agenciji do 3.6.2026.g. **Kalkulacija je rađena na bazi minimum 40 prijavljenih putnika.***
- Putno-zdravstveno osiguranje – 25 KM za osobe do 60 godina starosti. Stariji putnici (60-80g) – 50 KM; pz osiguranje je obavezno,
 - Doplatu za jednokrevetnu sobu (na upit – 1.800,00 KM)
 - Doplatu za avio kartu u bisnis klasi
 - Osiguranje od otkaza putovanja
 - Individualne troškove

VAŽNE NAPOMENE:

- Trokrevetne sobe u hotelu obično nemaju 3 kreveta normalne veličine i dostupne su samo na upit; to mogu biti sobe sa dva velika kreveta pa u tom slučaju dvije osobe spavaju na jednom ležaju, a jedna na drugom,
 - Prijava za fakultativne izlete i uplate vrše se najkasnije do 03.06.
 - Agencija nije odgovorna u slučaju promjene satnice leta/letova ili kašnjenja od strane avio kompanije
- DEPOZIT:** Prilikom prijave u hotel, osoblje na recepciji može od vas zatražiti da ostavite polog putem bankovne kartice, kao osiguranje za eventualne napravljene troškove. U slučaju da ne budete imali troškova, rezervisani dio novca na kartici će se poništiti.
- Odlazak na utakmicu Kanada – Bosna i Hercegovina biće realizovan pješice i gradskim prijevozom (potrebno imati bankovnu karticu)

KORISNE INFORMACIJE

Službeno ime: Canada / Kanada

Površina: 9.984.670 km²

Broj stanovnika: oko 34.786.000

Vremenska razlika u odnosu na Sarajevo: (Toronto -6h)

Geografski položaj: Sjeverna Amerika, graniči sa SAD-om na jugu i sjeveru (Aljaska), na zapadu izlazi na Tihim okean, a na istoku na Atlantski okean.

Klima: Tokom ljetnih mjeseci za južne provincije je karakteristična visoka razina vlage i temperatura zraka od 22-30°C.

Glavni grad: Ottawa; najveći grad Toronto 3.3 miliona, metropolitansko područje cca 7 miliona

Ambasada BiH u Kanadi: 17 Ave Blackburn, Ottawa, ONKN1 8A2, Kanada; telefon: +16137802255

Jezik: engleski, francuski

Valuta: kanadski dolar (CAD), 1,00 CAD = oko 1,20 KM

Religija: katolici 42.7%, protestanti 23.3%, ostali 34%

Vremenska razlika: -4,5 do -9 sati (Toronto -6 u odnosu na vrijeme u BiH)

Gradski prijevoz u Torontu: Jedna vožnja gradskim prijevozom u Torontu (TTC) košta 3,30 CAD ako se plaća PRESTO, debitnom ili kreditnom karticom; 3,35 CAD ako se plaća gotovinom. Karta važi 2h i u tom periodu može se mijenjati metro (TTC Subway radi od 6:00 ujutro do 1:30 poslije ponoći), tramvaj ili bus prijevoz. Djeca do 12 godina voze se besplatno.

Napon struje: 120V (potreban je adapter za utičnicu tip A/B). Obavezno ponijeti adapter za utičnicu (tip A/B), punjač za telefon, power bank.

Vakcinisanje: nije potrebno

Pozivni broj zemlje: +1

WiFi internet: Svi putnici na ovom putovanju **obavezni su** imati pametne telefone proizvedene nakon 2018.g. (zbog prijema ulaznica) i dostupnosti tokom putovanja, kao i **VIBER** broj zbog lakše komunikacije. Centrotours svim putnicima na ovom putovanju poklanja e-Sim karticu.

Ulazak u zemlju: Vlasnici bh pasoša moraju imati vizu. Ipak, konačnu odluku o ulasku u zemlju donosi granična policija. Organizator putovanja ne snosi odgovornost u slučaju odbijanja ulaska u zemlju.

Sigurnost: Generalno sigurna zemlja i grad (Toronto), potrebno biti oprezan (džeparoši), noću ostati u centralnim zonama

Kupovina: u Kanadi možete naći veliki izbor proizvoda u velikim trgovačkim centrima, robnim kućama, buticima i trgovinama. Trgovine tehničkom robom su zanimljive jer nude robu izvanredne kvalitete po relativno niskim cijenama. Najveći tržišni centar u Torontu je **Toronto Eaton Centre** sa više od 200 prodavnica poznatih svjetskih brendova.

Odjeća i obuća: slojevita odjeća, po danu majice kratkih rukava / lagane košulje, šorc ili lagane pantalone, patike ili lagane cipele, sunčane naočale + krema za sunce; naveče tanka jakna ili duks. *Obavezno ponijeti udobne patike.*

Hrana i piće: izuzetno internacionalna kanadska kuhinja nudi gotovo sve vrste kulinarskih svjetskih specijaliteta, s obiljem morske hrane (kamenice, rakovi, jastog, losos), jela od govedine (burgers, steakes), sušeno meso i riba, svježe voće i povrće, deserti sa sirupom od javora. Od pića tu su: svijetlo pivo Molson Canadian i Labatt Blue, Rye Whisky i Canadian Club. Vina Chardonnays, Riesling i Pinot Noir iz pokrajina Ontario i British Columbia.

Male prodavnice / Convenience Store i supermarketi u Torontu: 7-Eleven, Circle K, Fine Foods Market; Longo's – kvalitetniji i malo skuplji market, Metro – veoma popularan u centru grada, Loblaws – veliki i kvalitetan supermarket, Food Basics – jeftiniji supermarket, Rabba Fine Foods (24h) – cijene više nego u velikim supermarketima, No Frills – jeftiniji supermarket za hranu, vodu i sokove, voće i povrće (voda: 1-2 CAD, Coca-cola: 2-4 CAD, hljeb: 2-4 CAD, gotovi snedviči: 5-8 CAD...)

Hrana i piće u hotelima: Obično skuplji nego u običnim restoranima ili prodavnicama. Flaša vode u hotelu može biti 5-10\$, mineralna voda 10-15+ CAD. Mini bar je posebno skup. Najčešći tip doručka u hotelu je tzv. „kontinentalni doručak“ koji obično uključuje peciva, kroasane, tost, džem, kafu, čaj, sok, žitarice, voće i jogurt. U nekim hotelima dodaju i kajganu, kobasice ili slaninu, ovsenu kašu. Ukratko: očekujte skromniji

doručak u odnosu na ono što ste navikli u evropskim hotelima.


Cijene u barovima: Loose Moose Bar nedaleko od hotela: draft pivo: 8-11 CAD, kokteli: 12-16 CAD, burgeri/glavna jela: 18-30 CAD.

Plaćanje: kartice svuda (Visa/Mastercard), gotovina nije potrebna osim malo za sitnice. Ponijeti 2 kartice (ako jedna ne radi).

Napojnice: napojnice u Kanadi nisu obavezne zakonom, ali su društveno očekivane. Restorani – 15-20%, taksi/Uber – 10-15%, barovi/kafići 1-2 \$ po piću ili 15-20% od ukupnog računa, hoteli – 2-5 \$ sobarice, portir - 2-5\$ po koferu

TORONTO STADIUM

Category 1	●
Category 2	●
Category 3	●
Category 4	●
Accessible Seating Area	♿



Ulaznice:

- Ulaznice za navijače BiH koji u Centrotours organizaciji putuju na utakmicu (Kanada-BiH – **Program 1 - Utakmica u Kanadi**) su kategorije 2 i nalaze se u sektorima 206, 207, 208 i 209.

- Da biste dobili Vašu ulaznicu potrebno je da instalirate FIFA aplikaciju na svoj mobitel

<https://apps.apple.com/hr/app/fwc2026-mobile-tickets/id6532603739>

- Ulaznice za utakmicu Kanada – BiH dostavićemo vam preko aplikacije najkasnije do 10.06.2026.

CENTROTOURS OSOBLJE U KANADI:

Amila, Viber/WhatsApp broj: +387 61 398 050

Samira, Viber/WhatsApp broj: +387 61 560 544

Devleta, Viber/WhatsApp broj: +387 61 955 670

Program putovanja je ažuriran 10.05.2026.g.

SARAJEVO: Centrotours d.d. Sarajevo, Putnička agencija Centrotours, Kurta Schorka 14, 71000 Sarajevo

SARAJEVO Stari Grad: Ferhadija 16, telefon: 033 407 407, fax: 211 282; **Viber/WhatsApp:** +387 61 376 644

SARAJEVO Novi Grad: Bulevar Meše Selimovića 97 (zgrada Općine Novi Grad), telefon: 033 407 660; **Viber/WhatsApp:** +387 62 828 109

TUZLA: Džafer mahala 34, telefon: 035 283 666, 035 283 667; **Viber/WhatsApp:** +387 61 029 169

ZENICA: Maršala Tita 63, telefon: 032 409 409

www.centrotours.ba ID broj 4200153220232 Licenca broj: 07-05-22-13612

